

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126133](https://nbn-resolving.org/urn:nbn:de:bsz:31-126133)

fit, quod Chriftus ait: Nifi quis renatus fuerit ex aqua & Spiritu, non poteft introire in Regnum cœlorum, Joh. 3. v. 5. Quodfi igitur contigit, ut infantes subito in morbum incidant, aut planè occumbant, gravis hinc ratio parentibus reddenda reftat, & Deus sanguinem illum à manu eorum requirer, Ezech. 3. v. 10.

Sunt filii hæreditas Domini: merces fructus ventris, Pfal. 127. v. 4. æquum igitur eft, ut parentes maturent, quo per baptilmum Chrifto initiantur, quod & ipfe Servator mandat, inquit: Sinite parvulos venire ad me, & ne prohibueritis eos, talium eft enim Regnum Dei, Marc. 10. v. 14.

Ratholdus Dux Frifæ, cum Epifcopus Wolramus, eò cum perſuafiffet, ut baptilmum fuſcepturus, alterum jam pedem in baptilmum poſuiſſet: interrogabat ille Epifcopum, quorſum plurima pars majorum fuorum perveniſſet, in cœlumne, an in infernum? Epifcopus reſpondit, fuiſſe infideles gentiles, ideoque ſine dubio in infernum migraffe. Tum retracto pede dixit: Sic cum majori parte ego faciam.

Ejuſmodi illuſorum adhuc hodie in medio Chriftiano orbe plurimi reperiuntur, qui baptilmum carnalibus oculis intuentes autumant, non multum referre utrum baptizetis nec ne? Verùm errant. Eft enim ſtipulatio bonæ conſcientiæ cum Deo, 1. Petr. 3. v. 21. lavacrum regenerationis & renovationis, Tit. 3. verſ. 3. hoc qui ſpernit, conſilium Dei adverſus ſeipſum ſpernit.

De Secundo.

Sequitur Medela, quæ fluit
 I. Ex temporis fluxu. Sic enim in Evangelio: Poſtquam conſummata ſunt dies octo, ut circumcideretur puer. Hic nihil ſtabile & permanens eſt, ſed potius locum habet illud Poetæ:

Tempora labuntur, & nos mutamur in illis.

Tandem appropinquamus morti, ubi conſtituta eſt domus omni viventi, Job. 30. v. 23.

Poſtquam autem in hæc mundi ſeneſcia eò res rediit, ut omnia in deterius vergant, & querela Davidis locum habeat: Defecit ſanctus, Pfal. 12. v. 1. audimus nil niſi prælia, & rumores præliorum, abundat iniquitas & refrignit caritas multorum, Matth. 24. v. 6. 12. Diabolus valdè negotioſus eſt, & non modò Pſeudo-Prophetas ablegat magno numero, ut cicades, Apoc. 14. v. 9. ſed & in Politia & œconomia omnia turbat, ut tempus illud adefſe conſtet, de quo Johannes: Væ habitatoribus terræ & maris; quia deſcendit Diabolus ad vos, habens iram magnam, ſciens, quòd modicum tempus habet, Apoc. 12. v. 12. Magna ſanè conſolatio fidelibus redundat, quod hæc miſeria non in æternum duret, ſed dicetur aliquando: Dies conſummata ſunt, non enim in æternum Deus afflictionem dabit juſto, Pfal. 55. v. 23.

Hoc reminſcantur pii, ſi fortè rebus adverſis conſiſtentur, poſt nubila Phœbus. Lux orta eſt juſto, & reſtis corde lætitia, Pfal. 97. v. 11. In vitâ æterna tempus nunquam conſummabitur, ubi non occidet

det ultrâ Sol, & Luna non minuetur: quia erit nobis Dominus in sempiternam lucem, & complebuntur dies lactus nostri, Esa. 60. v. 20. Apoc. 21. v. 23.

II. Ex nomine Jesu, quo recens natus puerulus in Circumcisione insignitus fuit, est illud nomen JESUS, nomen super omne nomen, in quo omne genu flectatur, caelestium, terrestrium, & infernorum, Phil. 2. v. 10. Non enim est in alio aliquo salus, nec aliud nomen sub caelo datum est hominibus in quo oporteat eos salvos fieri, Act. 4. v. 12. sicuti ex hac ipsa causa hoc nomen accepit, ut tanquam Jesus noster populum suum salvum faciat, à peccatis eorum, Matth. 1. v. 11.

Hoc fecit quoque dum per sanguinem & mortem suam aeternam redemptionem reperit, Hebr. 9. v. 12. quâ & adhuc hodie est Salvator omnium hominum, maximè verò fidelium, 1. Tim. 4. v. 10.

Hinc maxima consolatio oritur.

Vocatur Salvator tuus Jesus, quia te salvum fecit à peccatis tuis: liberavit te quoque ab ira Dei contra peccata. Ubi enim peccata aboleta sunt, Deus nullam causam amplius irascendi habet, sed potius justificati fide, pacem habemus ad Deum per Dominum nostrum Jesum Christum, Rom. 5. v. 1.

Quia vocatur Jesus, immunis quoque es ab accusatione & maledictione legis, virtus enim peccati lex est, 1. Cor. 15. v. 57. Christus verò est finis legis, ad justitiam omni credenti, Rom. 10. v. 4.

Quia Jesus, à morte quoque te redemit. Stipendium enim peccati mors, Rom. 6. v. 23. ubi verò peccatum expiatum, ibi & mors cessat: qui in Christum

credit, nunquam morietur, Johan. 11. v. 26.

Si Jesus, futurum quoque judicium non pertimescendum nobis est, Joh. 5. v. 24.

Si Jesus, immunes quoque sumus à condemnatione aeternâ. Nulla enim condemnatio in iis, qui in Christo Jesu sunt, Rom. 8. v. 1.

Noli itaque desperare, sed collige te, peccator tristis! cur tristaberis, quia ejusmodi Salvatore gaudes, cui nomen Jesus? Si peccata perturbant te? donavit ille tibi omnia delicta, delens, quod adversus te erat, chirographum, Col. 2. v. 15. Inquietat te conscientia? Hic Jesus emundavit conscientiam nostram, ab operibus mortuis ad serviendum Deo viventi, Hebr. 9. v. 14. Ambigis de salute? Apage dubitationem, non enim venit, ut judicet mundum, sed ut salvetur mundus per eum, Joh. 3. v. 17. Mors appropinquat? Noli exhorrescere mortem! Hic Jesus est, qui est verus Deus & vita aeterna, 1. Joh. 5. v. 11. Hunc fiducia plenus cum Stephano invoca: Domine Jesu suscipe spiritum meum! sic & tu caelum patere videbis, & in agone efficacissimum solatium senties, Act. 7. v. ult. Rom. 14. v. 7.

III. Ex Circumcisionis fructu. Pro seipso legi subiectus non erat, sed Dominus Sabbathi, Marc. 2. v. ult. At nostri causa circumcidi voluit, ut ostenderet, se in mundum venisse, ut legem & omnem justitiam impleret, Matth. 3. v. 15. Qui enim circumciditur, debitor est, universae legis faciendae, Gal. 5. v. 3.

Hinc consolationem hauriamus, quando audimus, Mosen omnes maledictos

bbbb 3

pro-

pronunciare, qui non permanent in omnibus sermonibus legis, Deur. 27. v. ult. Christus propter nos legi se subjecit, ut adoptionem filiorum reciperemus, Galat. 4. v. 5.

Proinde non est, quod metuamus, sed possumus in Christo invenire, quod salutis nostrae deest, factus est enim nobis à Patre sapientia, & iustitia, & sanctificatio, & redemptio, 1. Cor. 1. v. 30.

Quando in corpore humano periculosa carnis putredo oritur, venæ sectio à Medicis pro optimo remedio habetur.

Totum humani generis corpus per peccata ad eodè corruptum erat, ut à plantâ pedis usque ad verticem nihil integrum quiddam, Esa. 1. v. 6. Propterea Christus magnus ille Sanator, Exod. 15. v. ult. & Magister salvationum, Esa. 63. v. 1. in medium venit, & in assumpta humana naturâ, non modò tempore passionis suæ, sed statim octavo Nativitatis die in Circumcisione sanguinem suum profudit, quò hoc ipso toti humani generis corpori sanitas restitueretur. Agnosce hinc magnam caritatem Redemptoris tui, nec despera in peccatis tuis. Unica guttula sanguinis Christi sufficit pro redemptione totius mundi, etiamsi mille essent mundi, ait devotus Bernhardus.

Si quis lapsu graviore læsus, quicquam in corpore ditupit, sanguis caprinus ei propinatur, quo cruor concretus, qui cor circumdedit, vicissim dissolvatur, & ita homo restituitur.

Quando & tu, mi Christiane! lapsum graviorem, ex innatâ infirmitate vel Diaboli fraude circumventus commisisti, unde conscientia tua torquetur, ut cum Da-

vide suspires: Non est sanitas in carne mea, à facie iræ tuæ, Psal. 38. v. 4.

Ad cœlestem Medicum tuum Jesum te confer, ut potet te guttis suis sanguineis in sacrâ cœnâ, nec dubita, quin sanitatem consecuturus, & omni mœrore liberandus sis, Sanguis enim Jesu Christi, Filii Dei, emundat nos ab omni peccato, 1. Joh. 1. v. 7.

De Tertio.

Restat *Cautela*, quæ tribus absolvitur Regulis, ut sunt

1. *Circumcisionem imitare.* Etsi enim externa Circumcisio in N. T. desit: tamen nos Christiani interiori circumcisioni adstricti sumus. Non qui in manifesto Judæus est: neque quæ in manifesto in carne, circumcisio est: sed qui in abscondito Judæus est; & circumcisio cordis, in Spiritu, non literâ, Rom. 2. v. 28. 29. Confer Jer. 4. v. 4. Matth. 18. v. 8. 9.

Quodsi igitur novus annus felix & faustus nobis esse debeat, spiritualem hanc Circumcisionem nobis commendatam habeamus, juxtâ

1. *Temporis notationem.* Jesus recens natus, circumcisus est octavo die juxtâ legem. Sic neq; nos spiritualem circumcisionem differamus, sed à puero malitiam præcidamus, ne se insinuet & decipiat animâ, Sap. 4. v. 12. Memento Creatoris tui, in diebus juventutis tuæ, Eccl. 12. v. 1. Maledictus, qui florem juventutis Diabolo, feces autem senectutis Deo consecrat. Ne erretis, non irridetur Deus, Gal. 6. v. 7.

2. *Modum & rationem.* Jesus noster circumcisus est cultro ferreo vel lapideo, Jos. 5. v. 3.

Nos